

ՍԿԻՀԻ ԱՐՁԱՆԱԳՐՈՒԱԾ ԾԱԾԿՈՑՆԵՐ (ԺԷ.-Ի. ԴԱՐԵՐ)

ԱՆՆԱ ՕՆԱՆԵԱՆ
annaonanyan@mail.ru

ՄՈՒՏՔ

Յօդուածի նպատակն է ներկայացնել Հայ Եկեղեցուն նուիրաբերուած սկիհի ծածկոցների արձանագրութիւնները: Սակայն մինչեւ այն, հակիրճ կը նկարագրենք ծածկոցների գործառոյթները, դրանց տեղը եկեղեցում եւ նուիրաբերման նպատակները:

Ինչպէս Կաթողիկ եւ Ուղղափառ, նոյնպէս եւ Հայ Առաքելաբան Եկեղեցում Պատարագի ժամանակ սկիհը ծածկուում է յատուկ ծածկոցով, որի վրայ ներքեւում դրուում է նշխարը: Եկեղեցու ծիսակարգերի ձեւաւորման փուլում սկիհները ծածկող «դաստառակը» ունեցել է գինին փոշուց պաշտպանելու գործառոյթ¹: Միայն դարեր անց սկիհը ծածկող գործուածքը օրինուել է, քանի որ այն անմիջապէս առնչուում էր գինու եւ նշխարի հետ: Սկիհի ծածկոցը պէտք է լինի անթափանց, որպէսզի սկիհը չերեւայ: Բացի այդ, ծածկոցը լուանալուց յետոյ անհրաժեշտ է ջուրը ծաղիկների արմատներին լցնել²:

ՔԻԻԶԱՆԴԱԿԱՆ ԵՒ ՈՒՂՂԱՓԱՌ ՎԱՂԱԳՈՅՆ ՕՐԻՆԱԿՆԵՐ

Վաղագոյն սկիհի ծածկոցներն առնչուում են Բիւզանդիայի հետ: Բիւզանդական Եկեղեցում ասեղնագործ ծածկոցները նախատեսուած էին սրբազան անօթները, որմնախորշերը, զոհասեղանը ծածկելու կամ եկեղեցական երթերին ու թափօրներին օգտագործուելու համար: Քանի որ սկզբնական շրջանում դրանց գործառոյթները յստակեցուած չէին, հնարաւոր է, որ միեւնոյն ծածկոցը ծառայէր միջանի նպատակի: Ծածկոցներից նրանք, որոնք օգտագործուում էին հաղորդութեան ձեւին, դարձան սկիհի ծածկոցների նախատիպերը: Բիւզանդական վաղագոյն օրինակները Գերմանիայի Հալբերշտադ տաճարի զոյգ ծածկոցներ են՝ յունարէն արձանագրութեամբ եւ հաղորդութեան տեսարանով³: Դրանք Հալբերշտադում են բերուել 4րդ խաչակրաց արշաւանքից եւ նուիրաբերուել տաճարին 1208ին: Մինչեւ հիմա յստակ չէ, թէ ո՞ր կաթողիկոսն է այն նուիրաբերել տաճարին, բայց հաւանաբար Կրոսիդոն (1201-1208) է եղել: Ծածկոցները սեւ մետաքսի կտորից են, երկուսի դէպքում էլ Քրիստոսին ծախ կողմից մօտենում են վեցական առաքեալներ: Արձանագրութիւնների վերջում խորհրդանշական բառերն են՝ «Առէ՛ք, կերէ՛ք, այս է իմ մարմինը» եւ «Իմնեցէ՛ք դրանից բոլորդ, որովհետեւ այդ է Նոր Ուխտի իմ արիւնը...»:

Ռուսական եկեղեցու պահպանուած ամենահին օրինակը թուագրուում է ԺԴ. դարով՝ 1389ով: Այն պահում է Ռուսաստանի Պետական Պատմական Թանգարանում: Չափերով բաականին մեծ է՝ 123x221 սմ: Ոսկեզոյն կտորի վրայ, կենտրոնում Քրիստոսն է ասեղնագործուած, կողքին առջօքի

դիրքով՝ ձախից Տիրամայրը, Միքայել հրեշտակապետը, միտրոպոլիտներ Պետրոսն⁴ ու Ալեքսեյը⁵, իսկ աջից՝ Յովհաննէս Մկրտիչը, Գաբրիէլ հրեշտակապետը, միտրոպոլիտներ Մաքսիմն⁶ ու Ֆեոդոստը⁷: Ներքեում ասեղնագործուած են իշխաններ, վերեում չորս սերովբէներ, եզրագօտում՝ հրեշտակներ ու հրեշտակապետեր, անկիւններում՝ անտարանիչները: Օգտագործուած են ոսկեթել եւ արծաթաթել, գունաւոր մետաքսէ թէլեր: Ունի արծանագրութիւն այն մասին, որ իրը ասեղնագործուել է իշխանուհի Մարիա Սեմիոնովնայի պատուէրով 1389ին⁸:

ԿԱԹՈՒԼԻԿ, ՌԻՂԱՓԱՌ ԵՒ ԱՌԱՔԵԼԱԿԱՆ ԵԿԵՂԵՑԻՆԵՐԻ ԾԱՅԿՈՅՆԵՐԻ ՏԱՐԲԵՐՈՒԹԻՒՆՆԵՐԸ

Քիզանդիայում ծածկոցները կոչում էին «աեռ»⁹: Յունարէն՝ *ἀήρ*, ռուսերէն՝ *Воздухъ*, անգլերէն՝ *Aër*¹⁰, ֆրանսերէն՝ *l'Aër*, հայերէն համարժէք բառ գոյութիւն չունի: Եթէ յունական եկեղեցում աէրը մէկն էր եւ ծածկում էր միանգամից սկիհն ու մաղզման¹¹, ապա ուղղափառ եկեղեցում այլ էր: Ուղղափառ եկեղեցում մաղզման տեսքով նման էր սկիհին՝ բաժակի ձեւ ունէր, ուստի սկիհը ծածկում էր առանձին, մաղզման՝ առանձին, ապա միայն մէկ, չափերով անելի մեծ ընդհանուր ծածկոցով: Ընդ որում, ուղղափառ եկեղեցում սկիհի ծածկոցն այնքան մեծ էր լինում, որ կարող էր մարմնակալի փոխարէն օգտագործուել¹² կամ ինչպէս հայերն են անուանում՝ գորփուրա¹³: Եթէ հաշուի առնենք այս տարբերութիւնները, ապա հայկական սկիհի ծածկոցը, որը հիմնականում միջին չափի է, անելի շատ նման է յունական կամ քիզանդական աէրին, եւ ոչ թէ ուղղափառ նմուշներին: Կարելի է ասել, որ հայկական ծածկոցները կաթոլիկ եկեղեցու ծածկոցներին են նման:

ՀԱՅԿԱԿԱՆ ՕՐԻՆԱԿՆԵՐ

ա) Հաւաքածոներ, ալպոմներ, գրականութիւն

Պաշպանուած հայկական վաղնջագոյն օրինակը թուագրում է 1688ով, պահում է Մայր Աթոռ Սուրբ Էջիածնի Ալեք եւ Մարի Մանուկեան Գանձարանում (Գանձարան) եւ արծանագիր է: Աշխարհի տարբեր թանգարաններից եւ մասնաւոր հաւաքածոներից մենք գտել եւ խմբաւորել ենք ԺԷ.-Ի. դարերով թուագրուող 100ից անլ սկիհի հայկական ծածկոցներ, որոնց մեծամասնութիւնը արծանագիր է: Դրանք պահում են Հայաստանի Պատմութեան Պետական Թանգարանում (ՀՊՊԹ)¹⁴, Էջմիածնի Գանձարանում¹⁵, Էջմիածնի Թանգարանում, Սարդարապատի Յուշահամալիրի Հայոց Ազգագրութեան Թանգարանում¹⁶, Վենետիկի եւ Վիեննայի Մխիթարեան Միաբանութիւններում, Պոլսի Պատրիարքարանում¹⁷ եւ եկեղեցիներում¹⁸, Երուաղէմի Սրբոց Յակոբեանց վանքում¹⁹, Անթիլիասի Կաթողիկոսարանում²⁰, Վիկտորիա եւ Ալպերթ Թանգարանում²¹, Հարվըրտի Համալսարանի Թանգարանում²², Լեհաստանի Եագելոնեան Թանգարանում²³, Գալֆայեան²⁴, Գրիգոր Մարգարեան²⁵, Զարեհ Պտուկեան²⁶, Աշգեան²⁷, Քուլյթի²⁸ եւ այլ մասնաւոր հաւաքածոներում:

Մինչ այս սկիհի արձանագիր ծածկոցներ հրատարակել է Արգամ Այվազեանը՝ Գալֆայեան հաւաքածոյի օրինակները²⁹, Եզիկէ Մուշեղեանը՝ ՀՊՊԹի նմուշները³⁰, սոյն յօդուածի հեղինակը՝ Վենետիկի Մխիթարեան միաբանութեան օրինակները³¹:

բ) Նկարագրութիւն

Ձեռով՝ ծածկոցները շրջանաձեւ են, քառակուսի, հազուադէպօրէն՝ ուղղանկյուն: Բոլոր ծածկոցները ասեղնագործուած են, ընդ որում եկեղեցական ասեղնագործութեան մէջ կիրառուող կարատեսակները տարբերում էին կենցաղային կամ տարազային ասեղնագործութիւնից: Թէկերից օգտագործում էին ոսկեթելը, արծաթաթելը, մետաքսէ եւ բամբակէ թելերը, հազուադէպօրէն՝ բրդեայ թելեր: Ասեղնագործութեան տեսակներից էին լիցքը, հարթակարը, շղթայակարը, սուզանին, թելքաշը, «Այնթապի», «Պուլի»³² ասեղնակարերը: Ծածկոցները ասեղնագործուելուց զատ յարդարում էին նաեւ փուլերով, մարգարիտներով, ժապաւէններով, եզրային մասում՝ նաեւ ծոպերով: Ամենահետաքրքրական մասն էլ արձանագրութիւններն էին: Մարդկութիւնը վաղնջական ժամանակներից թողել է իր հետքը տարբեր վայրերում, դրոշմել եւ քանդակել է գրեր՝ սեպագրեր, պատկերագրեր, ժայռապատկերներ են.: Մաշտոցեան գրերի գիտից իվեր հայը թողել է տառերի պատկերներն ամէնուր՝ խաչքարերի, եկեղեցիների, դրամների, տարաբնոյթ այլ յուշարձանների վրայ: Արձանագրութիւնները, որպէս կանոն, իրենց բնոյթով կարող են լինել յիշատակագրային, շինարարական, նուիրատուական, իրաւա-կանոնական, կրօնա-բարոյախօսական³³:

Հիմնականում արձանագրութիւնների համար օգտագործում էին երկաթագիր, հազուադէպ՝ նոտրգիր: Տեղի սակաւութեան պատճառով օգտագործում էին միջանի հնարքներ՝ համառօտագրութիւն, կցագրութիւն: Կիրառուել են փակագրեր, բարբառային բառեր, փոխառութիւններ օտար լեզուներից, յատկապէս՝ թուրքերէնից:

Քանի որ սկիհի ծածկոցները նուիրաբերում էին եկեղեցուն, ապա տեղեկութիւններ էին պարունակում նուիրողի եւ ստացողի մասին: Հայ միջնադարեան՝ Թ.-ԺԴ. դարերի վիմագիր արձանագրութիւնների ուսումնասիրմամբ զբաղուել է Լեւոն Սարգսեանը: Նա մանրամասն ներկայացրել է արձանագրութիւնների բովանդակութիւնը: Դրանց շնորհիւ պարզ է դառնում, որ հայերը տարբեր առիթներով եկեղեցուն նուիրել են գրքեր, ձեռագիր մատենաներ, սրբազան մասունքներ, խաչեր, քշոցներ, սկիհներ, կանթեղներ, անգամ գինի եւ կանխիկ դրամ որպէս «հոգոյ բաժին», «հոգոյ թոշակ»: Սարգսեանը նաեւ նշում է, որ եկեղեցիների մատենաներում եւ «արխիւում» նուիրաբերուած իրի կամ գումարի դիմաց գրում էր նուիրաբերման նպատակը՝ «հարիւր դահեկան ի շինութիւն ժամատանս» են.³⁴:

Մեր ուսումնասիրման առարկայ սկիհի ծածկոցները անմասն չեն մնացել արձանագրութիւններից: Դրանք հիմնականում ասեղնագործուած են, իսկ տպագիր կամ դաջագարդ արձանագրութիւններ չեն գտնուել:

գ) Արձանագրութիւնների բովանդակութիւնը

Իրենց բովանդակութեամբ սկիիի ծածկոցների արձանագրութիւնները կարող ենք համարել յիշատակագրային, որոշ առումներով նաեւ՝ նուիրատուական: Յիշատակագրային են կոչում այն արձանագրութիւնները, որոնցում յիշատակում են հանգուցեայի հակիրճ տուեալները՝ ազգանունանունը, տոհմային պատկանելութիւնը, մասնագիտութիւնը կամ զբաղուածութիւնը, հասարակութեան մէջ ունեցած դիրքը, պաշտօնը³⁵: Նուիրատուական արձանագրութիւններում սովորաբար թուարկում էին եկեղեցուն նուիրաբերուող գոյքը՝ դրա դիմաց ստանալով պատարագի ժամեր³⁶:

Աստուածաբանական մեկնութիւնների Ժ. դարի հեղինակ Խոսրով Անձեացին, իր *Սուրբ Պատարագի Մեկնութիւն* աշխատութիւնում, մէքերելով «Յիշի՛ր, Տէ՛ր, ողորմի՛ր եւ օրհնի՛ր Քո սուրբ եկեղեցու ընծայաբերներին, նաեւ նրանց, ովքեր ողորմածութեամբ յիշում են աղքատներին, եւ Քո ընդաքոյս առաքածոնութեամբ պարգեւիր նրանց խնդրանքները՝ հարիւրապարիկն այսպեղ եւ հանդերձեալում» խօսքերը, մեկնաբանում է. «Ոմանք սրբազան սպասքներ են ընծայում եկեղեցուն, ոմանք՝ Աստուածաշունչ գրքեր, ոմանք էլ նուիրաբերում են կայի ու հնձանի բերքից եւ անասուններից, ըստ իրենց կարողութեան ընծայաբերում են նաեւ փրկչական փոներին ու սրբերի յիշատակութեան օրերին: Ուստի մենք խնդրում ենք նրանց, ինչպէս նաեւ ողորմածների համար, ովքեր իրենց ունեցուածքից բաժին են հանում աղքատներին...»³⁷: Այլ կերպ ասած, մարդիկ եկեղեցուն զանազան իրեր եւ ընծաներ էին նուիրաբերում, այդ թւում սկիիի ծածկոցներ, որպէսզի արժանանան Աստծոյ ներման եւ մեղքերի թողութեան: Եւ իսկապէս, դարեր շարունակ հենց այս նիւթական նուիրաբերութիւնների հաշուին էլ գոյատեւել է հայոց եկեղեցին:

Ինչպէս վիմագիր արձանագրութիւնները, սկիիի ծածկոցների արձանագրութիւնները եւս ունէին *կադապարներ*: Հիմնական օրինակներ են. -

- | | |
|----------------------------|----------------------|
| 1. ՅԻՇԱՏԱԿ Է | 2. ՅԻՇԱՏԱԿ Է ԾԱԾԿՈՅՍ |
| 3. ՅԻՇԱՏԱԿ Է ՍԿԻՇԻ ԾԱԾԿՈՅՍ | 4. ՅԻՇԱՏԱԿ Է ՊԱՏԿԷՐՍ |
| 5. Ի ՎԱՅԵԼՈՒՄԷ | 6. ԸՆԾԱՅՅԵՑ |

Որպէս կանոն, արձանագրութիւնները սկսում են այս կադապարներով, ապա նշում է կամ եկեղեցու անունը, որին նուիրաբերում է ծածկոցը, կամ՝ նուիրաբերողի անունը, իսկ երրորդ տարբերակը՝ յիշատակում են այն անձանց անունները, ում հոգու փրկութեան համար է պատրաստուել տուեալ ծածկոցը: Ընդ որում, յիշատակում են ե՛ւ ողջերի անուններ, ե՛ւ մահացածների անուններ՝ օգտագործելով տարբեր ածականներ՝ «կենդանեաց» «հանգուցեայ», «նջեցելոց», «մահտեսի»³⁸ եւն.: Արձանագրութիւնների այս բովանդակութիւնը ունի իր բացատրութիւնը: Յիշենք, որ սկիիի ծածկոցն օգտագործում է պատարագի ժամանակ, իսկ պատարագը մատուցում էր, որ հաւատացեալը հաղորդուի Քրիստոսի հետ եւ հոգու փրկութիւն

ստանայ: Այս ամբողջ խորհրդաբանությունը բաականին մանրամասն բացատրել է Անձեւացին իր վերոյիշեալ աշխատութեան մէջ:



«*Ի Քրիստոս հաւարով ննջած տղամարդկանց եւ կանանց յիշատակը թող լինի*» տողերը Անձեւացին մեկնաբանում է, որ.-

Աստծոյ բազում եւ զանազան երախտիքների դիմաց Աստծոց շնորհի ստացանք փոխհատուցելու Նրան սուրբ Պատարագի՝ Քրիստոսի ընծայմամբ, ինչի միջոցով յիշելով Աստծոյ կատարած բոլոր բարերարությունները՝ ամէն ինչի համար գոհութիւն ենք մատուցում... Ապա երկնատու Հօր առջեւ բարեխօս ունենալով Քրիստոսի՝ մեզ համար եղած մահը եւ սրբերի

ճգնութիւնը՝ գոհանում ենք սուրբ Խորհրդով՝ բոլոր հաւատացեալների՝ թէ՛ ողջերի եւ թէ՛ ննջեցեալների համար: Քանզի ինչպէս որ մենք, սրբերի հետ ցնծալով, Աստծուն ընծայ եւ գոհութիւն ենք մատուցում՝ Նրանց պատկանող մերը համարելով, այդպէս եւ Նրանք, իբրեւ իրենց անդամների, խնամակալ են լինում մեզ՝ բարեխօսելով Տիրոջը, մանաւանդ ահաւոր Պատարագի ժամանակ...³⁹:

Յիշի՛ր, Տէ՛ր, նաեւ նրանց, ովքեր յանձնարարեցին աղօթել իրենց համար...:

Յիշի՛ր, Տէ՛ր, Քեզ վրայ իրենց յոյսը դրած ննջեցեալների հոգիները:

Քանի որ հրաման ունենք խնդրել հաւատով ու յոյսով ննջածների համար, ռաստի սարկաազը խնդրում է յիշել Նրա վրայ իրենց յոյսը դրած ննջեցեալների հոգիները⁴⁰:

Արձանագրութիւնների դասատրուածութիւնը

Ըստ արձանագրութեան դասատրուածութեան՝ ծածկոցները կարող ենք միջանի խմբի բաժանել: Արձանագրութիւնները ծածկոցների վրայ դասատրում էին ամենակարեւոր հատուածում՝ կենտրոնում, որը սովորաբար առանձնացուած էր լինում: Ասեղնագործում էր շրջանակ, որի մէջ Աստծոյ գառան, Խաչի, Խաչելութեան, Սկիհի, Սկիհի մէջ Քրիստոսի, որոշ դէպքերում նաեւ արեւի եւ հրեշտակի պատկերներ են ասեղնագործուած: Կենտրոնական ընդգծուած այս հատուածը առանձնացուած էր սկիհի չափերին համապատասխան: Այսինքն, կարելի է ասել, որ արձանագրութիւնը երեսացող տեղում էր արում: Բերենք միջանի օրինակներ.-



* ՀՊՊԹի համար 1712 ծածկոցը, որը սեւ թանգիֆէ կտորից է, ունի հետեւեալ արձանագրութիւնը.-
Յ(Ի)Շ(Ա)ՏԱԿ Է ՍԵԹԵՆԸԻ
ԽԱՉԱՏՈՒՐԻՆ Ի ԴՈՒՆ Ս(ՈՒՐ)Բ
ԱՌԱՔԵԼՈՅՆ ԹԱԴԷՐՍԻ Ի ԻՉՄՈՒՐԷ ԱՌ ՔԻ
ԹՎ(ԻՆ) ՌԱԼ⁴¹:

*ՀՊՊԹի համար 1764 ծածկոցը, որի կենտրոնում՝ ճաճանչների շուրջը, շրջանակի մէջ վերցուած է հետեւեալ արձանագրութիւնը.-

Յ(Ի)Շ(Ա)Տ(Ա)Կ Է ԻԶՄԻՐՑԻ ՔԻԼՃԱՆՃԻ ՕՂՆՈՒ ԳՐԻԳՈՐԻ ՈՐ(Դ)Ի ԱԴԱՄԻՆ, Ս(ՈՒՐ)Բ ՍԱՐԳԻՍ ԵԿԵՂԵՑՈՒՆ Թ(ՎԻ)Ն ՌԱԽԲ⁴²:

* Երկու շրջանակով արձանագրություն ունի էջմիածնի թանգարանի 1961 համարի ծածկոցը: Այն երկնագոյն մետաքսից է, շրջանաձեւ է, կենտրոնում գառն է.- Յ(Ի)Շ(Ա)Տ(Ա)Կ Է ԾԱԿՈՅՍ ՄԵԼՔՈՆԻՆ ԴՍՏԵՐՆ ԵՂԻՆԷԻՆ ՀՈԳՈՒՆ Ի Դ(ՈՒ)Ն Ս(ՈՒՐ)Բ ՆԻԿՈՂԱՈՍ(Ի):

* ՀՊՊԹԻ համար 1711 ծածկոցի վրայ Աստծոյ գառան շուրջը՝ մինչեւ ասեղնագործ ճաճանչները, երկշարք արձանագրություն կայ.-

Յ(Ի)Շ(Ա)Տ(Ա)Կ Է ՍԿԻՈՅ ԾԱԾԿՈՅՍ Ի ԴԻԼԻՊԷ ԲՆԱԿԵԱԼ ԴԱԽԻԹ ԱՂԱՅԻ ԿԵՆԴԱՆՈ ԶԱԽԱԿԱՑ՝ ՍԱՐԳՍԻՆ, ՄԱՐՏԻՐՈՍԻՆ ԵՒ ԵՓՐՈՍԻՆԷԻՆ, ՈՐՔ ԵՏՈՒՆ Ի Ս(Ր)Բ(Ո)Յ ԷՋՄԻԱԾԻՆ ՁԵ(ՌԱՄԲ) Ա(ՍՏՈՒԱ)ԾԱՏ(Ո)ԻՐ ԵՊ(Ի)Ս(ԿՈՊՈՍ)ԻՆ⁴³:

* Միւս օրինակը Գալֆայեան Հաւաքածոյից մետաքսէ մի ծածկոց է.-

Յ(Ի)Շ(Ա)Տ(Ա)Կ Է ԾԱԾԿՈՅՍ ՊԵՆԷԿԵԱՆ Մ(Ա)Հ(ՏԵՍ)Ի ԳՐԻԳՈՐԻ ՈՐԴԻ Մ(Ա)Հ(ՏԵՍ)Ի ԸՍՏԵՓԱՆԻՆ Ի ԴՈՒՈՒՆ Ս(ՈՒՐ)Բ ԴԱՆԻԷԼԻ ՎԱՆԳՆ ԹՎԻ(Ն) ՌԱԾ(1801) ԻՆ⁴⁴:

Յաջորդ խմբի ծածկոցների արձանագրությունները կենտրոնում, սակայն քառակուսի դասաւորուած են.-

* ՀՊՊԹ, համար 1759, թանգիֆից ծածկոց է:

Արձանագրութիւնը ճաճանչներից քաւակա- նին հեռու է տեղադրուած.- Յ(Ի)Շ(Ա)Տ(Ա)Կ Է ՀՈՎ(Ա)ԿԻՄԻՆ, ԱՆՆ(Ա)ՅԻՆ, ՎԱՐԴԵՆԻՆ Ի Դ(ՈՒ)ՈՐԸ Ս(ՈՒՐ)Բ Ա(ՍՏՈՒԱ)ԾԱԾԻՆ, ՈՐ Ի ՏՐԱՊԻԶՈՆ: ՌԱԽԲ⁴⁵

* ՀՊՊԹ, համար 1790, արձանագրութիւնը.- ՅԻԾԱՏԱԿ Է ԾԱԾԿՈՅՍ ՀԵՂԻՆԱՅ ԹՎ(ԻՆ) ՌԱԾ ԱՄԷՆ⁴⁶:

Արձանագրութիւնը կարող է ունենալ շրջանաձեւ դասաւորութիւն եզրերով, օրինակ Սանահինից վարդագոյն մետաքսից մի ծածկոց.- Յ(Ի)Շ(Ա)Տ(Ա)Կ Է ԾԱԾԿՈ(Յ)Ս Մ(Ա)Հ(ՏԵՍ)Ի ԱԿՍԷՆՏԻՆ ԴՍՏԵՐՆ ԱԼՄԱՍ(Տ)ԻՆ ՀՈԳՈՒՆ, Ի Դ(ՈՒ)ՈՒՆ Ս(ՈՒ)ՐԲ ՍԱՐԳՍԻՆ: ԹՎ(ԻՆ) ՌԱԾ

Կան նաեւ արձանագրութիւններ, որոնք կենտրոնում շրջանաձեւ են եւ ապա շարունակում են եզրերով.-



* Նմուշ Գալֆայեան Հաաքածուից, ժԹ. դար, կենտրոնական կլոր ծաղկի շուրջը շրջանաձև տեղատրուած է հետեւեալ արձանագրութիւնը.- Յ(Ի)Շ(ԱՏԱԿ) Է ՄԻԼՔԷՃԻ ԶԱՏԷ ՄԱՀ(ՏԵՍ)Ի ՏԱՏՈՒՐԻՆ ՈՐԴՈՅՆ ՅԱԿՈԲԻՆ Մ(Ա)Հ(ՏԵՍ)Ի ՅԱՐՈՒԹԻՆ Ի ԴՈՒՐՆ Ս(ՈՒՐ)Բ ԹՈՐՈՍ ապա զամբիւղանէ ծաղկազարդերի միջեւ ծախից աջ գրուած է ԼՈՒՍԱԻՆ ՀԱՆԱՄԻՆ ԹԱԳՈՇԻ Ի ԳՈՒՂՆ Թ. ԱԻՆՍՈՒՆ ԵՂԻՍԱԲԷԹ⁴⁷:

Ծածկոցների միւս խմբի դէպքում արձանագրութիւնը միայն եզրային մասում է, երբեմն միայն մէկ կողմում, երբեմն էլ չորս կողմով:

* Միայն մէկ կողմում եւ մէկ տողով արձանագրութիւն ունի 1688ի էջմիածնում պահուող ծածկոցը, որի կենտրոնում արեւի պատկեր կայ.- Յ(Ի)Շ(Ա)Տ(Ա)Կ Է ԾԱԾԿՈՅՍ ԱՂԱՄԱԼԻՆ Կ(Ո)Ղ(Ա)ԿՅԻՆ ԶԻՓԻԹԷ ՈՐԴՈՅՆ ՄԻՐԶԷ ԹՎ (ԻՆ) ՈԾԿԷ⁴⁸:

* Միայն մէկ տողով արձանագրութիւն ունի Պոլսի Գումգափու թաղամասի Ս. Աստուածածնի եկեղեցում պահուող ժԸ. դարի ծածկոցը.- Յ(Ի)Շ(Ա)Տ(Ա)Կ Է ՍԿԻՀԻ Ծ(ԱԾ)Կ(ՈՅ)Ն Ի ԿՐԻՏԻ Ս(ՈՒՐ)Բ ԵԿԵՂԵՑԻՈՅՆ ՈՐ Ս(ՈՒՐ)Բ ԿԱՐԱՊԵՏ ՏԻՐԱՅՈՒ ԳՐԻԳՈՐԻ ՈՐԴԻ ՊԱՐՕՆ ԱՏԵՓԱՆ⁴⁹:

* Միայն մէկ կողմում արձանագրութիւն ունի էջմիածնի Գանձարանում պահուող 1862ի ծածկոցը: Ասեղնագործուած է Տիրամայրը մանկան հետ Օդիգիտորիա պատկերագրութեամբ⁵⁰, իսկ արձանագրութիւնը պատկերից ներքեւ է՝ չորս տողով.- ՅԻՇԱՏԱԿԷ ՊԱՏԿԷՐՍ ԱԼԵՔՍԱՆԴՐԱՊՕԼՈՒ ԲՆԱԿԻԶ Մ(Ա)Հ(ՏԵՍ)Ի ՅԱՐՈՒԹԻՆ, ԵՂՊԱՐ ՆՈՐԻՆ ԿԱՐԱՊԵՏԻՆ ՍԱՌԱՃԻԱՆՑ Ի ՄԵՈՒ Ս(ՈՒ)ՐԲ ԿԱՐԱՊԵՏԻՆ:

* Եզրային մասում, չորս կողմով արձանագրութիւն ունի Վիկտորիա եւ Ալպերթ Թանգարանի համար 1014-1898ը՝ 1800ի.- ՅԻՇԱՏԱԿԷ ՍԿԻՀԻ ԾԱԾԿՕՅՍ ՀԱՆԳՈՒՅՑԵԱԼ ՍԱՀԱԿԻՆ, ՄԱՐԳԱՐԻՏԻՆ, ԹԱԳՈՒՀԻ Եւ ՍՐԲՈՒՀԻՆ Եւ ԿԵՆԴԱՆԻՔ ՆԻԳՈՂԵՄՕՍԻՆ, ՍԱՌԱԻՆ, ՄԱՐԳԱՐՏԻՆ, ՍԱՀԱԿԻՆ, Ի ԳԻՒՂՆ ՏԻՎՐԻԿ Ի ԴՈՒՂՆ Ս(ՈՒՐ)Բ ԼՈՒՍԱՎՈՐԻԶ ԵԿԵՂԵՑՈՅ, Ի ԹՈՒԻՆ ՄԵՐՈՅ ՌՄԵԹ⁵¹:

Արձանագրութիւնները բոլորգիւր են, ասեղնագործուած, օգտագործուած են մետաքսէ, բամբակէ թէլեր, ոսկեթէլ, արծաթաթէլ: Հիմնականում հարթակար են կամ շղթայակար:

Ամենաշատ օգտագործուող համառօտագրութիւններն են.- Ա(ՍՏՈՒԱ)Ծ, Մ(Ա)Հ(ՏԵՍ)Ի, Ս(ՈՒՐ)Բ, ՍԿԻՀԻ, Թ(ՎԻ)Ն, ՀԱՆԳ(ՈՒՅԵԱ)Լ, ԵԿ(Ե)Ղ(Ե)ՑԻ(Ո)ՅՆ: Համառօտագրութիւնների կիրառումը նպատակա-յարմար էր՝ տեղի տնտեսման համար: Երբեմն արձանագրութիւններում նկատելի է, որ ասեղնագործողը ճիշտ չի հաշուարկել տարածքը, եւ ընդա-մէջը մէկ բառ չի տեղատրուել եւ գրուել է նոր տողից: Շատ դէպքերում էլ տողն աւարտուել է, բայց բառը կիսատ է մնացել (սա նաեւ ընդունուած երեւոյթ է հայ միջնադարեան վիմագրութեան մէջ):

Լայնօրէն կիրառուել են նաեւ կցագրութիւններ.-

Մ Սի, Ե Եւ, ԿԱ Կա, Կ Սս, Մ Դ, Ն Եա, Ռ որ

Սկիհի ծածկոցների դէպքում յիշատակում են նաեւ այն վանքերի անունները, որոնք նւիրաբերում են, ստացող հոգեւորականների անունները, գիղերի, քաղաքների անուններ: Այսպիսով յաճախ յիշատակուած են այնպիսի եկեղեցիների անուններ, որոնք քանդուած են: Այս առումով արձանագրութիւնները հարուստ ազգագրական, պատմական, լեզուաբանական նիւթ են պարունակում:

Անձնանուններից հանդիպում են՝ Աբրահամ, Աղամայ, Այվազ, Աննա, Առաջապար, Ասիկ, Բարսղ, Բրափիտն, Գաբրշ, Գասպար, Գրիգոր, Դափթ, Երեմ, Եփրաքսի, Եփրոսինէ, Ջանազան, Ջարմազան, Թագուհի, Թափոր, Թորոս, Թուրվան, Լիանա, Լուֆֆի, Կիլոեղ, Համասիիր, Ղազար, Մայխաս, Մամիկոն, Մարգարիտ, Մարտիրոս, Մերեմ, Մեյրեմ, Մինաս, Միրզէ, Յերիքնազ, Նոէմզար, Նիկողեմօս, Շահգետե, Ռհանէս, Ովսաննա, Պօղոս, Սահակ, Սամուէլ, Սառա, Սարգիս, Սիմաւոն, Սինոր, Ստեփանոս, Սրբուհի, Տիրուհի, Փանի Եւ.:

Անէլի հետաքրքիր էին ազգանունան դեր կատարող մակդիրները՝ երբեմն տոհմանուններ, երբեմն բնակավայրերի անուններ.- Ագուլեցի, Թէքէնան, Իզմիրցի, Կամախեցի, Միջաղեղցի⁵², Պաղտատցի, Պեկօլլուցի, Պենէկեան, Սէթենճի, Տագեսեան, Ֆիլիպեցի:

Հանդիպում են որոշ մասնագիտութիւնների անուանումներ կամ դիմելածներ՝ Աղա, Թիպինճի, Հայրապետ, Հացագործ, Ոսկերիչ, Քիլճանճի Օղլու Եւ.:

Արձանագրութիւններում յիշատակուած են Արաբկիրի Ա. Աստուածածին (կոց. 1249), Արմաշի Չարխափան Աստուածածին (կոց. 1416), Ջմիւռնիայի Ա. Թադէոս, Կեսարիայի Թոմարզա Ա. Աստուածածին (կոց. 1516), Մշոյ Ա. Կարապետ եկեղեցիները (ըստ աւանդութեան կառուցել է Գրիգոր Լուսատրիչը), Էջմիածնի մայր տաճարը (ըստ աւանդութեան կառուցել է Գրիգոր Լուսատրիչը), Տիրիկի Ա. Գրիգոր Լուսատրիչը, Տրապիզոնի Ա. Աստածածինը, ինչպէս նաեւ Ա. Մինաս, Ա. Սարգիս, Ա. Ստեփանոս Նախավկայ, Ա. Յակոբ անուանումներով մեզ համար անյայտ եկեղեցիները⁵³:

Թուակիր օրինակներում հանդիպում ենք յաճախ տառային, հազուադէպ թուային արձանագրութիւններ: Միայն ԺԺ. դարից սկսած սկիհի ծածկոցների արձանագրութիւններում թուականը գրուած է թուով:

Ներկայումս սկիհի ծածկոցների նւիրաբերումը եկեղեցիներին տարածուած է հաատացեալների շրջանում: Հիմնականում ծածկոցը նւիրում է հանգուցեալի կամ ողջի հոգու հանգստութեան համար: Այժմ կարող ենք տեսնել ասեղնագործ, տպագիր, մեքենակար ծածկոցներ: Աւելացել են նաեւ ասեղնագործութեան տեսակները՝ Մարաշի հիւսուած կար, հելլոնագոր-

ծոյթեան եւ կտորի համադրում, շարունակում են օգտագործուել փուլերը եւ մնացած քարերը:

ԵԶՐԱԿԱՅՈՒԹԻՒՆ

Այսպիսով, ԺԷ.-Ի. դարերի սկիհի ծածկոցների արձանագրությունները ասեղնագործուած էին մետաքսէ, բամբակէ թելերով, ոսկեթելով եւ արծաթաթելով: Դրանք կարող էին լինել ծածկոցի վրայ տարբեր դասատրութեամբ՝ շրջանաձեւ՝ եւ՛ կենտրոնում, եւ՛ եզրերում, ուղղանկյունաձեւ՝ եւ՛ կենտրոնում, եւ՛ եզրային մասում, միայն որպէս եզրագօտի: Երբեմն վերցուած էին ձեւաւոր շրջանակների կամ օղագօտիների մէջ, կարող էին լինել մի կամ երկու տողով, որոշ դէպքերում նաեւ չորս տողով: Բովանդակութեամբ յիշատակագրային էին. յիշատակում էին մահացածների եւ ողջերի անուններ, նրանց տոհմանունները, մասնագիտութիւնները: Հանդիպում են նաեւ աշխարհագրական տեղանունների, եկեղեցիների, վանքերի, պատարագիչ քահանաների անուններ: Գիրը բոլորգիրն էր, յաճախ կիրառում էին կցագրութիւններ եւ համառօտագրութիւններ, մեծ մասը նաեւ թուակիր էր: Արձանագրութիւնները ազգագրական, աշխարհագրական, պատմական մեծ կարեւորութիւն ունէին:



Սկիհի ծածկոցներ.- ԺԷ. դար՝ Պոլսի Գումգափուի Ա. Աստուածածնի եկեղեցի եւ՝ 1862 (էջմիածին)

ԾԱՆՕԹԱԳՐՈՒԹԻՒՆՆԵՐ

- ¹ Ըստ Մաղաքիա Արք. Օրմանեանի «բարեպաշտուիւնները», յատկապէս նոր ասեղնագործել սովորող օրիորդները, ասեղնագործում էին դաստառակներ եւ նուիրում եկեղեցուն (Մ. Օրմանեան, *Ծիսական Բառարան*, Անթիլիաս, ՏՄՏԿԿ, 1979, էջ 111):
- ² Սուրեն Արք. Գաթարոյեան, *Ծիսական Գիտելիքներ*, Թեփրան, Քրիստոնէական Դաստիարակութեան Բաժանմունք, 2017, էջ 121-22:
- ³ P. Johnstone, *The Byzantine Tradition in Church Embroidery*, London, Alec Tiranti, 1967, էջ 114-15:
- ⁴ Պետական, եկեղեցական գործիչ, ապրել է ԺԳ.-ԺԴ. դարերում: Մետրոպոլիտը եպիսկոպոսի կամ թեմական առաջնորդի տիտղոս էր:

⁵ Կիւեւեան Ռուսաստանի եպիսկոպոս, պետական գործիչ եւ դիւանագետ, ապրել է ԺԴ. դարում, մահուանից 50 տարի անց սրբադասուել է:

⁶ ԺԳ. դարի եպիսկոպոս:

⁷ ԺԴ. դարի կէսերի եպիսկոպոս:

⁸ Н. Малцова, Древнерусское Шитье/La Broderie Russe Ancienne, Մոսկուա, Իսկուստոյ չրատ., 1971, էջ 10-11. նոյնի՝ Древнерусское Шитье. Каталог /La Broderie Faciale Russe Ancienne, Մոսկուա, Կրասնայա Պլոշադ, 2004, էջ 22:

⁹ Johnstone, էջ 21:

¹⁰ Թարգմանաբար նշանակում է «օդ»:

¹¹ Եկեղեցական սպասք, որը ծածկում է սկիւրը. եւ որի ներքեւում դրում է նշխարը:

¹² «Մարմնակալ - Սկիւրին տակը պատրաստելու արեւն յարկապէս դրուած մաքուր կտրուր կամ զարդարուն փոքրիկ դաստառակը» (Օրմանեան, էջ 157):

¹³ «Գորփուրայ բառը լատիներէն գորփորալիս = corporalis, կը նշանակէ «մարմնական», այլ աւելի մերձադրութեամբ թարգմանուած է մարմնակալ: Քառակոսի ճերմակ կտրուր զոր լատինածէս ժամարարը սեղանին վրայ կը փռէ իր առջեւ եւ ոչ միայն սկիւրն անոր վրայ կը դնէ, այլ եւ սրբազործեալ նշխարն առանց մաղձմայի ուղղակի այդ կտրուրն վրայ կը հանգչեցնէ: Ասկէ նոյն կտրուրն աւելի պարզի մը՝ ուղղակի խորհրդական մարմնոյն հետը շփմանը համար, եւ սրբազնագործեալ նշխարին փշուրները նոյն կտրուրն կտրուած կրեալ ըլլալուն կասկածով...» (Օրմանեան, էջ 106):

¹⁴ Ի. Մկրտչեան, Լ. Խաչատրեան, Ճանաչիր Քո երկիրը, Երեւան, Հայաստանի Պատմութեան Թանգարան, 2019, էջ 78, 83. նաեւ՝ Ors et Trésors d'Arménie, Catalogue de l'Exposition, Լիոն, 2007, էջ 118-19. նաեւ՝ M. Ferenc, Örményország Kincsei: Titkok az Ararátról: [Fotóalbum], A Katalógust Szerkesztették, Magyar Köztársaság elnöke, Պոստալիեշթ, 2002:

¹⁵ Էջմիածնի Գանձեր, Այբոմ, Մայր Աթոռ Սուրբ Էջմիածին, կազմ.՝ Մանիա Ղազարեան, 1984, էջ 284-93. նաեւ՝ Սուրբ Էջմիածնի Գանձերն Աշխարհի Թանգարաններում, կազմ.՝ Ս. Ասողիկ Քիւնյ. Կարապետեան, Էջմիածին, «Տիգրան Մեծ» Հրատ., 2008. նաեւ՝ A Legacy of Armenian Treasures: Testimony to a People: The Alex and Marie Manoogian Museum, by Edmond Y. Azadian, Alex and Marie Manoogian foundation, Michigan, 2013:

¹⁶ Յակոբ Զէլալեանի Նուիրաբութիւնների Կապալոց, կազմ.՝ Ս. Պօղոսեան եւ ուրիշ., Երեւան, «Տիգրան Մեծ», 2008, էջ 162:

¹⁷ Թուրքիոյ Հայոց Պատրիարքութեան Յովհաննէս Կոլոտ Պատրիարքի Անուան Թանգարան, կազմ.՝ Վ. Սերոբեան, Ստամբուլ, 2011, էջ 2. նաեւ՝ Ronald T. Marchese, Marlene R. Breu, Splendor & Pageantry: Textile Treasures from the Armenian Orthodox Churches of Istanbul, Armenian Patriarchate of Istanbul, Իսթանպուլ, Ciltimbik Film Video Yapim Ceviri, 2010:

¹⁸ Ronald T. Marchese, Marlene R. Breu եւ ուրիշ., Treasures of Faith: Sacred Relics and Artifacts from the Armenian Orthodox Churches of Istanbul, Իսթանպուլ, 2015, էջ 276-77:

¹⁹ Album of the Armenian Monastery of Jerusalem, կազմ. Տ.Մ.Մ. Նիւ եորք, The Delphic Press, 1950, էջ 39. նաեւ՝ Գ. Յովսէփեան, «Հայ Արուեստի Օրինակներ Երուսաղէմի Վանքից», Նիւթեր եւ Ուսումնասիրութիւններ Հայ Արուեստի Պարմութեան, Հրտ. Բ., Երեւան, ՀՍՍՀ ԳԱ Արուեստի Ինստիտուտ, 1983, էջ 252-260:

- ²⁰ H. Goltz, *Der Gerettete Schatz der Armenier aus Kilikien, Sakrale Kunst aus dem Kilikia-Museum Antelias*, Լիբանան, 2000:
- ²¹ <http://collections.vam.ac.uk/item/O172544/chalice-veil-unknown/> ;
- ²² <https://www.harvardartmuseums.org/art/215237> :
- ²³ J. Stawińska, J. Osiecki, *Velum Ormiańskie ze Zbiorów Muzeum Uniwersytetu Jagiellońskiego*, “Lehahayer. Czasopismo Poświęcone Dziejom Ormian polskich”, 2018, N5, էջ 195-243:
- ²⁴ Արզամ Այվազեան, *Մշակութային Արժեքների Գալֆայեան Հասարածոյի Արծա-նագիր Իրերը*, Երեւան, Հեղինակային Հրատ., 2013, էջ 160-70. նոյնի՝ Գալֆայեան Հասարածոյի Մշակութային Արժեքներ, Պրակ IV, Հայկական Կիրառական Արուեստի XVI-XIX դդ. Մեքաղեայ Իրեր եւ Գործուածքներ, Երեւան, Հեղինակ. Հրատ., 2016, էջ 46-53, 60-65. նոյնի՝ Եղեռնից Փրկուած Նորայայտ Մասունքներ, Մեզ Պէտք են Մրքի Զօրավարներ, Հրդ. Բ., Երեւան, Հեղինակ. Հրատ., էջ 116-9:
- ²⁵ <http://armenianartworks.com/armenianartworks.com/> :
- ²⁶ Հայ Հիստաձեղէնի Արուեստ, *Յուցահանդէսի Կարպաղ*, կազմ.՝ Փ.Զ. Պտուկեան, Նիւ Եորք, 1980, էջ 10-11:
- ²⁷ R. H. Kévorkian et Berdj Achdjian, *Tapis et Textiles Arméniens*, Maison Armenienne, Մարսէյ, 1991, էջ 147-155. Նաեւ՝ <https://textilum.wordpress.com/2014/09/18/armenian-rugs-and-textiles/> :
- ²⁸ https://www.facebook.com/permalink.php?story_fbid=2896889507020151&id=139336529442143 :
- ²⁹ Այվազեան, *Մշակութային Արժեքների*, էջ 160-70:
- ³⁰ Ե. Մուշեղեան, *Ցարկանշական Յուցակ Թանգարանային Ժողովածուների*, Պրակ I, Հայերէն Արձանագրութեամբ Ատարկաներ, Երեւան, Հայկական ՍՍՌ ԳԱ Հրատ., 1964, էջ 175:
- ³¹ Ա. Օնանեան, «Մխիթարեան Միաբանութեան Սկիիի Ծածկոցները», *Էջմիածին Ամսագիր*, 2019:Ա, էջ 132-40:
- ³² Ընդունուած էր նաեւ ասեղնագործութեան տեսակները անուանել այն տեղանքի կամ քաղաքի անունով, որտեղից ծագել էր: Բնականաբար այս տեսակը տարածուած էր Հայաստանով մէկ, սակայն անուանուած էր ըստ ծագման տեղի:
- ³³ Գ. Գրիգորեան, *Հայկական Վիմագրութիւն, Համառօտ Զեռնարկ Բուհերի Պատմութեան եւ Բանասիրութեան Ֆակուլտետների Համար*, Երեւան, Զանգակ-97, 2000, էջ 67-82:
- ³⁴ Լ. Սարգսեան, *Հայաստանի Նոսիրապոտական Արձանագրութիւնները (9-14րդ Դարեր)*, Երեւան, Էդիթ Պրինտ, 2007, էջ 79-82:
- ³⁵ Գրիգորեան, էջ 67:
- ³⁶ Լ. Սարգսեան, էջ 93-4. նաեւ՝ Գրիգորեան, էջ 74:
- ³⁷ Խոսրով Անձեազի, *Սուրբ Պարարագի Մեկնութիւն*, գրաբարից թարգմ.՝ Գէորգ Աբղ. Սարոյեան եւ Մկրտիչ Աբղ. Պողոսեան, Մայր Աթոռ Սուրբ Էջմիածին, Երեւան, 2001, էջ 78:
- ³⁸ Մահտեսի (մղդեսի, մղդսի, մովսսի, հաճի), արաբ. Mugdisi - նշանակում է Երուսաղէմ ուխտի գնացած. օգտագործում է որպէս մակդիր՝ յատուկ անունից առաջ (Ա. Մալխասեան, *Հայերէն Բացատրական Բառարան*, Հրդ. 3, Երեւան, Հայկական ՍՍՌ Պետական Հրատ., 1944, էջ 244):
- ³⁹ Անձեազի, էջ 74-75: 449

- ⁴⁰ Անձեաացի, 82 էջ:
- ⁴¹ Մուշեղեան, էջ 106:
- ⁴² Մուշեղեան, էջ 110:
- ⁴³ Մուշեղեան, էջ 125:
- ⁴⁴ Այվազեան, *Մշակութային Արժէքների*, էջ 169:
- ⁴⁵ Մուշեղեան, էջ 113:
- ⁴⁶ Նոյն:
- ⁴⁷ Այվազեան, *Գալֆայեան Հաաքածոյի Մշակութային Արժէքներ*, *Պրակ IV*, էջ 52-3. Նաեւ՝ Այվազեան, *Մշակութային Արժէքների*, էջ 165:
- ⁴⁸ 1137+551՝ 1688: Ցանկացած թիւ ստանալու համար նախ գտնում ենք տառերին համարժէք թուագրումը, ապա գումարում 551՝ հայոց մեծ թուականը:
- ⁴⁹ Marchese, Marlene, *Splendor & Pageantry*, էջ 245:
- ⁵⁰ Ք. Անտիսեան, *Աստուածանի Պատկերագրութիւնը Հայ Միջնադարեան Արուեստում*, Երեւան, Հեղինակային Հրատ., 2015, էջ 256:
- ⁵¹ <http://collections.vam.ac.uk/item/O172544/chalice-veil-unknown/> , տե՛ս նաեւ՝ Sławińska, Osiecki, էջ 195-243:
- ⁵² «Միջաղեղցի» ասելով հաւանաբար նկատի ունի Կ. Պոլսի Միջագիւղ թաղամասը՝ թուրք.՝ Ortaköy, անգլ.՝ Middle Village, բառացի թարգմանութեամբ՝ Միջին գիւղ: Այն Վոսփորի նեղուցի ելոսական ավին է: Հայերն այստեղ մեծ թիւ էին կազմում, 1785ին հիմնել էին Թարգմանչաց Վարժարանը, որը բազմաթիւ հայ մտաւորականների է տուել պատմութեանը (<http://bit.ly/331dP7k> , Թուրքիայի Հայոց պատրիարքարանի պաշտօնական կայքէջ):
- ⁵³ Եկեղեցիներից շատերի միայն անուանումը բաւական չէ հասկանալու համար, թէ որ գիւղում են գտնուել. քանի որ Նոյն անուանումով տարբեր եկեղեցիներ են եղել:

ARMENIAN INSCRIBED CHALICE VEILS (17TH-20TH CENTURIES) (Summary)

ANNA ONANYAN
annaonanyan@mail.ru

The earliest known Armenian chalice veils date to the 17th century, unlike the Byzantine veils, which date back to 1208. The oldest Armenian veil with a dated inscription comes from 1688 and is preserved in the Treasury House of Etchmiadzin. Others, which were woven later between the 17th and 20th centuries, are preserved and displayed in various museums and private collections of the world.

The article is a study of the Armenian inscribed chalice veils embroidered with silk, cotton, gold and silver thread between the 17th and the 20th centuries.

The article focuses on the location and shape of the inscription, the colors and kinds of thread used. It describes the content of the inscriptions, which include the names of donors and their kin who had passed away, their surnames and profession, geographic locations, names of churches, monasteries and priests, reasons for the donation, etc. Furthermore, the author analyses the texts' linguistic features, the style and mode of the script, abbreviations used and dates, which provide important ethnographic, geographical and historical details.